

李公惟樟謚狀

部	史部
類	傳記類
番号	2-829
冊数	1-1

1419
208
1

贈資憲大夫吏曹判書行通訓大夫

世子侍講院左翊贊李公謚狀

嶺以南七十州家弦誦而戶禮讓蓋有古賢哲遺風而中葉以上尤彬焉粵在

明陵之世有若翊贊李公奮起南服私淑於先正李文純公以追洛閩遺緒門路正而學行純士翕然師尊之至今二百餘年遺德餘教藹然猶有存者嗚乎懿矣公諱惟樟字履卿學者稱孤山先生鼻祖高麗太師棹後十世至提學翊始籍禮安是生昇祭酒是生竦是生韞皆官判書是生慎左贊成是生嚮幹司直是生薰左議政真之從父凡也肇居安東之豐山寔公高祖也曾祖恭奉諱純仁祖主簿諱珍壬辰倡義錄二等勲考通德即諱廷燾妣恭人順天金氏大司諫允安之女以天啓乙丑五月十六日生公公容姿秀異氣宇峻正自幼已留心為己之學不煩教督勤教不輟嘗入山讀書母夫人獨枕衾以遺之數月而返榻如故母夫人慮或有疾勸令少休則對曰戶樞不蠹流水不腐理之常也民生在勤何病之有夜以繼日或暗中記誦則結繩而識其數通德公性嚴諸子有過不少假公和氣愉色未嘗有忤有不安節憂形於色夜不解帶甲午疾革血指以進及喪絕而復甦水醬不入口三年不脫裹經非省墓足不跡廬外已酉丁內艱持制一如前喪自是無意進取

專心向上與諸生會講心經近思等書於天人性命聖賢遺旨莫不沉潛玩讀而亦未嘗別立異見曰先賢已發明得盡但當遵而行之而已根柢庸學晚又喜易齋集春秋五傳諸家註釋而生之以程傳為春秋輯註取朱子家禮退陶論辨彙分類纂為二先生禮說採東國諸史而撮其要名曰東史節要於後進訓誨不倦多所成就出而為王國之需入而為斯文之高者比也及其德成行修尹旁達道臣繡衣剡績屢舉至己巳相國金公壽恒朴公世采俱以行高學優踐履萬實薦于朝授尾署別提工曹佐郎不就辛未除安陰縣監又不赴尋又有翊贊之命公以累違恩召為未安強起甫謝然久於朝非志也持被入直七日作白鷓歌浩然歸山當時諸公莫不高其志惜其去而歎去就之得宜也祖道上東門外詩歌以餞之取道松坡有詩曰欲說先朝事其於感慨何愁着一瓦石乘曉過松坡都下傳誦流入禁中至以第四句命應製題嘗謂愚潭丁公時翰曰為治莫大於體天體天必在於無私目今黨論乖張朝著不靖專由偏私之害改當以體天無私為第一義又與李公東標中夜共坐李適困睡公曰朝晝之際酬應萬變及到嚮晦宴息政好思量時節令公許身王國負世重望當日乾

夕惕思所以致君澤民何乃爾也李深服其言公雖退處林樊其存心世道蓋如此後當
 仁顯聖母遜位之日搆疏將上形格勢禁不果而止然忠憤之激至發色辭檢身如不及言動
 舉止不少放過與人交善則揚之過則覆之然必諄諄警誨使之自改持已巽順未嘗威氣加人
 而至論議之有關世教則必明辨痛析確然有不可撓者隆冬弊廬寒氣砭骨而安坐談經
 聲韻彌暢盛夏斗屋炎氣如蒸而矜莊歛已神氣愈爽絕意紛華甘心淡泊若無與於進取而
 至論士大夫出處去就未嘗不以幼學壯行為準嘗曰程朱及我東諸賢多以科目進
 士若以科舉為不屑山林為高尚則其心已偏殊非時中之義雅不喜聲律而惟好杜
 詩手書長短幾篇有時諷詠曰可以想此老心事為文不事藻飾而簡易明暢自
 然成章日必謁廟是則肅衣冠對案竟日未嘗歇側遇事躬執不憚勤苦子弟或
 諫止之即曰少時不做猶有將來老而不做更待何時步履必詳審分寸不差對食有異
 饌必問其所自一毫有為不近諸口知舊書牘必謹收而歲之日此故人顏面也作字必
 楷正未嘗放意第惟枋性急作損卦贇以戒之子鳳朝有心恙為百順圖以警之辛巳

春患痢家人請醫治公曰吾年已八十何藥為五月疾益甚門人知舊有來問者許
今入見曰死生之際何可不面也謂孫載基曰吾所輯禮說中溪門問答 國喪條
有闕漏添入可也仍命侍者正席東首起更衣復卧齋足拱手向左置心上恬然而逝
享年七十七以其年九月十九日葬縣北龍甘洞向丁之原配 贈貞夫人完山柳氏櫛女
先公二十三年而歿後學慕公德建洛澗書院洛東江上亭以俎豆遠我
皇上戊辰毀撤戊子相臣奏公倡道山南行純學博允合超授 上可之遂 贈資憲大
夫吏曹判書嗚呼當公之時陶山先生之歿已久矣及門諸賢亦且凋謝而公能奮然力學溯
淵源而上之此諸親炙而得之者誠亦艱矣 蓋其為學讀書以窮理居敬以律身勉之乎日用
常行之間事親以孝奉先以誠持己以謙接人以和博極羣書無不淹貫而一生用工專在於
朱子大全節要語類等書潛究玩味躬行體驗有非後學之所可企及而至若亭亡物表高尚
其志乃旌玉帛不足以動其中可謂得儒者出處之正眎其愛 君憂國之誠濟人裕物之思
未嘗不發露著見於歌詠酬酢之際其非果於忘世亦可知矣惜乎其用不究施以遂其致澤

之志也觀於後賢之所贊揚者亦可以得公之大畧有曰學問博約見識明透曰行純而優學
邃而明肥遯邱園楷範士林曰經學為門戶誠實為主本其進也非耽位其去也非潔身而出
處惟義扶世教而敦薄俗嗚呼盡之矣有遺集幾卷并春秋輯註朱退禮說東史節要兀若干
冊士林方謀鉅梓以行于世噫公之所造就若是其卓

聖祖之所嘗禮遇儒紳之所共追慕是宜節以一惠以彰其美而迨此未遑嶠南人士之齋咨
抱歿安得不愈久而愈深也謹撮其事行以備太常氏採擇焉

光武六年二月一日正憲大夫前行禮曹判書魚知 經筵春秋館事義禁府事同知成均

館事弘文館學士南廷哲謹撰

